



Шочмо эл, порылык да чын верч!

7-ше (3707) №,
2025 ий 21 февраль,
кугарня

Б У Д Ъ Г О Т О В /

Имде лий



0+

1933 ий 1 февраль годсек лектеш.

23 февраль -
Шочмо элым аралышын кечыже



📷 1-ше классыште тунемше-влак. Фотом школ архив гыч налме.

Тыныс илыш шергакан

Школыштына «Порылык арня» эртаралтеш. Ме, икте-весе дене танасен, арня мучко түрлө поро пашам ыштена. Тошто кагазым погена, библиотекуште книгаг торлена, кайыкым пукшена... Ты-

гак СВО-што улшо сарзе-влаклан полшаш тыршена. Кумылыштым нолталаш манын, серышым возена, сүретым сүретлена, почеламутым сылнын лудмым да мурым видеош войзен колтена. Мемнан

поро пашана кугу сенгымашым лишемдаш полша манын, моткоч ушанена. Тек мландымбалне тыныс илыш озалана!

Амелия КОШПАЕВА.
Шернур, Кукур.

Йошкар-Олаште -
Шинчымаш пайрем,
Моркышто -
«Казаков лудмаш».

3-шо лаштык



Российын патыр
эргыже,
Тылат эн шерге ак!

4-5-ше лаштык

Марий йоча моло калык
коклаште шкенжым
чолган кучыжо
манын, мом
ыштыман?

6-шо лаштык



Возымо пашашт ойырте малтше



немшыже Сергей Желонкин (5-ше класс), Волжский район Сотнур школышто шинчымашым погышо Марианна Петрова (9-ше класс), «Мегатех» информационно-вычислительный технологий лицейын тунемшыже Дамир Кропотов (11-ше класс), Строительно-промышленный колледжын студентше Екатерина Фомина (1-ше курс) сенгышыш лектыныт. Ёдыр-рвезе-влак конкурсын финалыштыже тангасаш тўналыт.

– Марианна Алексей Красноёровын «Страда» романже почеш сочинений-очеркым возен, – ойла М.Петрован наставникше А.В.Микучова. – Кугу Ачамланде сар годым тылысе калыкын подвигым да чытымашыжым негызлен. Адакшым «Страда» икымше книга м савыктымылан тений 50 ий лиеш, а кокымшыжлан – 45 ий.

О.МОШКИНА-МАЙКОВА ямдылен.
Снимкыште: Марианна Петрова.
Фотом школын архивше гыч налме.

«Без срока давности» всероссийский сочинений конкурсын республикысе йыжынжым иктешленыт. Тангасымашын школысо йыжынгышкыже 1674 тунемше ушнен. Регионысо конкурсышто 50 сочиненийым акленыт. Йошкар-Оласе 23-шо номеран школын ту-

Российысе увер

«История России в стихах» всероссийский конкурсыш ушныза. Шочмо-кушмо мланде нерген почеламутым ойырыза да, сылнын лудын, видеороликым ыштыза. Йодмашым 7 апрель марте rus-poetry.historyrussia.org сайтышке колтыза.

«Утраченные памятники архитектуры» шанче конкурсышто вийдам тергыза. Илышыште йомшо, но ушышто але фотографийыште кодшо сўретым кагазыш кусарыза. Паша-влакым 1 март марте вучат. Тичмаш увер – art-teacher.ru сайтыште.

Шочмо кундемным шымлет гын, «Открывай страну» конкурс тыланет! Тушто вич номинаций уло. Конкурсышко 6-17 ияш самырык краевед ден турист-влак ушнен кертыт. Тўрыс увер – projects.pervuc.ru сайтыште.

Марий Элысе увер

«Самырык тукум» республикысе йоча усталык конкурс 4 апрельште Республикысе курчак театрыште эртаралтеш. Пайрем Шочмо элым аралышын идалькшылан пӧлеклалтеш. Йодмашым 24 март марте mari-centr_konkurs@mail.ru адрес дене электрон почтышко колтыман.

19-27 мартыште «Йошкар-Ола театральная» фестиваль Марий Элын рўдолаштыже 31-ше гана эртаралтеш. Республикысе тўрлӧ театр калыкклан лу эн сай спектакльым ончыкта.

Тўрлаш, пу гыч пўчкедаш, ненчаш але вес кидпашалан мастер улыда гын, ямдылыме арвердан фотожым «Живые ремёсла» X республикысе йоча конкурсыш колтыза. Йодмашым 13-20 мартыште вучат. Кумда увер – dtdim.org сайтыште.



Шочмо йылме – йолташ

«Шочмо йылме дене кугешнымаш» почеламутым сылнын лудмо онлайн конкурс Волжск оласе ёдыр-рвезе-влакклан эртаралтын. Тудо Шочмо йылмын тўнямбал кечыжлан пӧлеклалтше лийын. Оласе 23-шо номеран йочасадыш коштшо-влак Анфиса Павлова ден Алана Мубаракшина (снимкыште) конкурсышто усталыкыштым тергеныт. Анфиса Миклай Казаковын «Теле» почеламутшым

лудын, Алана – Ирина Закиеван «Шочмо йылме» сылнымутшым. Ёдыр-шамыч кажне шомакым раш ойленыт, почеламутын тўн шонымашыжым умылен, сылнын лудыныт. Нуным «Родной край» занятийым вўдышӧ Н.Тимофеева ямдылен. Ёдыр-влакклан сенгымашым тыланена.

Н.ТИМОФЕЕВА.
Фотом йочасадын архивше гыч налме.



Иочасадыш кошшо да 7-11 ияш ўдыр-рвезе-влак.

Ксения Дмитриева. Авторын фотожо-влак.

Сылнымутшо – калык шўмыштö

«Мый ўмыр мучко возенам тыршен, кеч пыртак кодшо калыкем пелен...», – тыге серен ик почеламутыштыжо калык поэт Миклай Казаков. Ты шонымашым калык шўмыштыжö ашна да шарна. Садланак Казаков лўмеш поэзий пайремым Морко районышто ий еда эртарат. Теният «Казаков лудмаш» конкурс Морко районысо тўрлö школышто тунемше ятыр икшывым иквереш поген. Поэзий пайрем тыгак Кугу Ачамланде сарыште Сенгымашлан 80 ий теммылан пöлеклалтше лийын. Конкурсын йодмыжо почеш, тўрлö ийготан ўдыр-рвезе-шамыч М.Казаковын сар темылан возымо почеламутлажым, прозылажым,

шке гыч возымо сылнымутлам аклымашке луктыныт. Конкурс Морко посёлкысо М.Н.Янтемир лўмеш тоштерыште эртаралтын.

Миклай Казаков сарын шучкылыкшым, кочыжым шке шинчаж дене ужын. Ты шижмашым почеламут корнылаште ончыктен. Самырык тукумлан, виян сылнымутым шўм-чон вошт колтен, колыштшо-влак деке намиен шукташ куштылгак лийын огыл. Туге гынат нуно чот тыршенят. Южышт, почеламутын тўн шонымашыжым раш умылен, сар пагытыш пöртылтенят. Тыште туныктышо-шамычын тыршымышт чот шижалтын. Тау нунылан!

Конкурсшто икымше верыш

лектыныт: почеламутым лудмо дене – Елизавета Иванова (5-ше номеран Морко йочасад), 7-11 ияш-влак коклаште Артём Сергеев (Арын), 12-16 ияш-шамыч коклаште Ксения Дмитриева (1-ше номеран Морко школ); шке возымо почеламут дене – Ксения Бутенина (Энгерсола); прозым лудмо дене – 7-11 ияш-влак коклаште Роман Михайлов (Арын), 12-16 ияш-шамыч коклаште Максим Пименов (1-ше номеран Морко школ).

Самырык тукум шочмо кундемысе сылнымут мастар-влакым огеш мондо. Нунын саскаштым ачат, да ик тукум весыжлан палдарашак тырша. Тек эре тыге лиш.

Л.ГРИГОРЬЕВА.

Шинчымаш пайрем

18 февральыште Марий кугыжаныш университетыште марий йылме да сылнымут дене регион-влак кокласе олимпиаде эртаралтын. Тушко Марий Эл, Башкортостан, Татарстан, Удмурт республикла, Свердловск кундем гыч 33 тунемше ушнен.

– *Йошкар-Олаште эртыше олимпиадыште кумшо гана улам. 9-ше классыште тунеммем годым литератур дене возенам гын, ынде кок ий почела марий йылме дене шинчымашем тергем. Изии тургыжланем гынат, лўдмаш уке. Мönгешла, заданийлам ваикерак пальме шуэи,* – ойла Башкортостан Республик Мишкан район Чорай селасе Я.Ялкайн лўмеш марий гимназийыште тунемше Светлана Николкина (снимкыште – пурлаште).

Погынышо-влакым Марий Эл Республикысе туныктыш да шанче министр Л.А.Ревуцкая, Тўвыра, печать да калык-влакын пашашт шотышто министрын алмаштышыже И.Г.Садовин, МарГУ-н икымше проректоржо В.И.Токтарова, Калыкле тўвыра да тўвыра кокласе кыл институтын директоржо Р.И.Чузаев саламленият.

Икымше верым налше-влак:

марий йылме дене

Ульяна Баландаева (Курыкмари, Йоласал, 9-ше кл.);



Валерия Кузьмина (Курыкмари, Пайскырык, 10-шо кл.);
Максим Лапин (Параньга, Кугу Пумарий, 11-ше кл.).

Марий литератур дене

Полина Григорьева (Башкортостан, Мишкан, Монар, 9-ше кл.);

Надежда Кильдубаева (Башкортостан, Мишкан, Кугу Соказа, 10-шо кл.).

О.МОШКИНА-МАЙКОВА.
Авторын фотожо.



Ме шарнена! Ме кугешнена!

2025 ий – Шочмо элым аралышын идалыкше



Патыр эрге

Российын патыр эргыже,
Тый пале ўшанен.
Вашке толеш ош эрыкше,
Кертат тый шўлалтен.
Чыташ перна вет сарыште,
Тыгае пўрымаш.
А шочмо-кушмо мландыште:
Ача, ава, пелаш.
Сандене, нелым сенгыше,
Тый лий виан, салтак!
Российын патыр эргыже,
Тылат эн шерге ак!

Марина БИРЮКОВА.
Морко, Шордўр.

Кок изам

Мыйын кок изам уло: кугуракше – Алёша, изиракше – Саша. Нуно кызыт шке порысыштым шуктат. Алёша изам Курск кундемшыште осал тушман дене кредалеш. Южгунам мўнгышкў йынгырта да «Чыла сай» манын мемнам куандара. Саша изамже Североморск олаште кугу корабльшыште служитла. Кок изамжат тўрлў элыште лийын, кугу вўдыштў коштын.

Алёша ден Саша школыштат сайын тунемыныт, ача-авалан эре полшенят. Мый нунын дене чот кугешнем. Пайрем дене саламлем! Уло еш дене мўнгў толмыштым вучена.

Нина ЛЕВАШОВА.
Морко, Эгерсола.

Пайрем дене!

Ачамым, Александр Алексеевичым, Шочмо элым аралышын кечыж дене саламлем! Тыгаяк писе, виан да поро кумылан лияш тыланем. Тудо шыл комбинатыште пашамышта. Эрденак паша верышкыже вашка. Каныш кечыште ачам колым кучаш йўрата. Пеленже мыйымат налеш. Жапым веселан эртарена.

Георгий НЕМНОНОВ.
Звенигово, Поянсола.

Мондаш лийдыме ойго

Шочмо элнам, Российым, осал тушман деч аралаш жап толмеке, 21 ияш, кугу капан самырык рвезе, моткоч лишыл родо-тукум изам Кирилл Сухов (снимкыште) сарзе-шамыч радамыш шке кумылын шогалын. Ме тудын дене Эпиш Пагулын кугезе уныкаже улына. Кирилл мыйын тунемме школыштак, Арбаныште, шинчымашым поген.

Но... мемнан деке кугу туткар лийме нерген ойган увер тольо: младший сержант Кирилл Сухов тушман-влак дене вашпижмаш годым вуйым пыштен...

Могайрак лийын Кирилл изам? Теве 39079-ше номеран войсковой частын командирже Кирилл Дамирович Суховлан 2024 ий 9 декабрьшыште тыгай характеристикым возен: «Младший сержант Сухов отделений командир семын самырык салтак-влакым тўрлў саманыште икем чын кучаш моштен туныктен. Спортсмен семынат моткоч виан, йолташыже-шамычлан полшаш эре ямде лийын: нуным тул йымач утарымаште ятыр гана лўддымылыкым ончыктен.



Мужество орден дене палемдалтын, Таумутым шуко гана налын. К.Д.Сухов Российын ўшанле эргыже улмым ончыктен».

Мый патыр, лўддымў родо-тукум изам дене кугешнем! Арбан школат шке тунемшыжым огеш мондо нигунам!

Драгояр ЯНАЙ.
Медведево, Арбан.
Фотом еш архив гыч налме.

Сенгымаш дене вучена



Патыр салтак-влакын Шочмо элнан тыныслыкше верч лўдде кредалме пагытыште меат кертмына семын полшена. Купсолашколын тунемшыже, туныктышыжо, школ пеленысе йочасадын пашаенже-влак окоплык сортам ямдылена. Ты пашашке ача-ава-шамычымат ушенна. Изирак-влак калай банкым чумырат. Ача-ава, коча-кова-шамыч пўнчў ден кож пўгыльмым погат, туныктышо ден кугурак ийготан тунемше-влак шыштым левыктен оптат (снимкыште). Пырляште паша куштылгын кая. Сарзе-шамычым шочмо кундемшыште сенгымаш дене вучена.

Е.И.ИВАНОВА.
Морко район.
Фотом школ архив гыч налме.



Тўнжым умыленам

Школыштына СВО-н участникше-влак Олег Семёнов да Иван Григорьев дене вашлиймаш эртаралтын (снимкыште). Коктынат Арбор кундемын тале эргышт улыт. Рвезе-влак шке илышышт да пайдале пашашт нерген каласкаленыт. Сарзе ўзгар дене кузе пайдаланыме да икымше польшым пуымо нерген шуко ойланыт. Тиде вашлий-

маште мый умыленам: элым аралыше математикым сайын палышаш, ушышто писын шотлен моштышаш да пенгыде капкылан лийшаш.

Герой-влаклан таза лияш да сенымаш дене вашке мөнгө пörтылаш тыланена.

Арслан ПРОХОРОВ.
Марий Турек, Арбор.
Фотом школ архив гыч налме.

«Геройын партше»

Морко мландын Кинер кундемже 17 самырык рвезым СВО-шко ужа-тен. Кок сарзе ең вуйым пыштен. Кузе тидым ешлан чыташ?!

Пургыж тылзын шымше кечын-же Шүргыял школышто Александр Васильевич Уразаев лүмеш «Геройын партшым» почынна. Саша ты школым тунем пытарен. Кажне тунуктышо тудын нер-

ген лач порын гына шарналтен. Йолташыже-шамыч кугешнен ойланыт. Вашлиймаште ятыр уна, геройын аваже, родо-тукумжо лийыныт.

Геройын парт коклаштыже Шүргыял школын эн чолга тунемшыже-влак шинчаш тўналыт. Ме Геройым курымеш шарнена.

Е.В.ГРИГОРЬЕВА.



Татарстан Республик Агрыз районсо Буймо кыдалаш школышто 4-ше классыште тунемше-влак Шочмо элым аралышын идалыкше лүмеш 3D открытым труд урокышто ыштенна (снимкыште).

Кажне тунемше шке усталыкшым ончыктен. Открытым моторын сорастаренна. Пагалыме енлан пайрем кечын кучыктена.

Октярина ИЛЬИНА.
Фотом школ архив гыч налме.

Тале рвезе

Латкок ияш рвезе ик татыште Лие полкын эрге, кугыен. Разведкыште тыршыше сарыште Моло салтак дене элым арален.

А лүмжө кузе? Кө пала гын? Раков-Солнцев Исаак улмаш. Ме палена раш Солнцев Иваным. Тудлан көра лишемын

кече-Сенымаш!
Катя ПАВЛОВА.
Волжский, Сотнур.
Авторын сүретше.



Лүддымө кочам

Кугезе кочамым молан геройлан шотлем, туддене молан кугешнем? Николай Иванович Кажяев Волжский район Ярамарий ялеш шочын. Чодыра пашазе лийын, колхозыштат тыршен. Но Кугу Ачамланде сар тыныс илышым лугыч ыштен. Кугезе кочам 1944 ийыште наступлени-йыш кайыме годым патырлыкым ончыктен. Тунам 96 салтаклан медицине польшым пуэн. Тудо санитар лийын. 1944 ий 7 августышто «За отвагу» медальым кучыктеныт. Котовицы олам утарымаш верч виан кредалмаште су-сыр кок офицерым сөй кокла гыч луктын. 1945 ий 5 февральыште тудлан III степенян Чап орденом кучыктеныт. Сар пытымеке, кочамым эше «За победу над Германией в Великой Отечественной войне 1941-1945 гг.» медаль дене палемденят. Кугезе кочам, чын-жымак, герой!

Дарья КАЖАЕВА.
Волжский, Мамасево.



**«Йылме пеледышым пого –
Тудо вет ўмырыштет
Шерге дечат шерге пого,**

**Эн кугу вий кидыштет», – тыге
возен поэт Валентин Колумб. Чын-
жымак, тиде кугу вий. Йылме ку-
рыкымат савыра, маньт. Пытартыш
ийлаште йылме йодыш пўсылан
шотлалтеш. Марий ача-ава-влакын
йочашт олалаште да посёлкылаште
веле огыл, яллашат рушла куты-
рат. Йылме дене кылдаатше түрлө
йодышым рашемдаш психологий
шанче кандидат, этнопсихолог
Н.Г.Айварова (снимкыште) полша.**

– Нина Геннадьевна, йочалан
могай калык гыч улмыжым кузе
умылтарыман? Мыняр ияш гыч?

– Йоча могай калыкын икшыве ул-
мыжым изинекак шижап тўналеш.
Марий ўдыр але эрге марий да руш
йылмылам колын кушкеш. Марий
Элыште радио ден телевизорышто
кок йылме йонга. Тўрлө тўвырам
кучышо (поликультурный) кунде-
мыште йоча тўрлө калык улмым
изинек умыла. Подростко ийгот
марте икшыве, кугурак-шамычын
ойлымыштым колыштын, ача-ава-
же семьянак марий улмыжым палап
тўналеш. Ача-ава тўрлө калык гыч
лекше улыт гын, йоча йодеш: «А мый
могай калык улам?» Кугыен-влак

21 февраль – Шочмо йылмын тўнямбал кечыже.

Марий шочынат гын

кузе умылтарат, туге шонаш
тўналеш. Психологийыште
ты феноменым «этниче-
ность» маньна. Иктаж 11-
12 ий марте йоча марий
улмыж дене кугешна але
вожылеш гын, тиде кугу-
рак-влакын ойлымышт
почеш ышталтеш. Под-
ростко ийгот гыч ик-
шыве марий улмыжым
кўргө чоңо дене ши-
жеш. Ты феноменым
«этническая идентич-
ность» маньна.

– Теве Денис Ша-
блйын «Не Иван,
или Как приручить богатыря»
фильмжым шарналташ гын, Йы-
ван лўман марий рвезым олесе
школышто игылтат. Марий йоча
моло калык коклаште шкенжым
лапканден ынже кучо маньн, мом
ыштыман?

– Шукыж годым олесе марий йоча
марий улмыжым шылта. Молан
тыге? Икшыве ача-ава деч чўчкы-
дын теве мом колеш: «Марий йыл-
мыже молан кўлеш?», «Тыгай мотор,
марий ең гай огеш кой». Марий ең
сенымашке шуэш гын, орын ойлат:
«Марий айдеме, а тыгай ушан, тыгай
кўкшытыш шуын кертын». Кугы-
ен-шамычак марий еным лапкандат.

Кызыт олесе марий интеллиген-
цийын икшывыжым изинекак мар-
ла мутланаш туньктымыжо, марий
проектлаште еш дене вийым тергы-

мышт кумылым нўлтат. Икма-
наш, чыла ача-ава деч шога.
Нуно чын шомакым муын,
виктарен моштышаш улыт.

– Йоча шочмо йыл-
мыжым молан палышаш,
пайдаже могай?

– Мыняр шукырак
йылмым палет, ту-
нар ушанрак улат
маньн, ожнысек
ойлат. Кок але
шукырак йылмым
палышаш вуйдо-
рыкын пашажым
виянда. Тыгай ай-
демым «билингв»

маньна. Марий йылмым палыше
билингв айдеме кок йылме дене ку-
тыра гына огыл, а кок йылме дене
шона, йырым-йырысе тўням тўрлө
семьн шижеш. Тудын тўняумылы-
машыжат кумдарак. Вес могырым,
йылмым палышаш – тиде, рушла
каласаш гын, ресурс. Мыняр марий
интеллигенций шочмо йылмылан
кўра сенымашке шуын!


– Икшыве шке калыкшым, тў-
выражым, йылмыжым веле огыл
пагалышаш. Изинек толерант-
ный лияш кузе туньктыман?

– Айдеме шке тукумжым,
йўлажым, йылмыжым пагала гын,
вес калыкымат жапла. Шкенжым
аклыше ең гына весе-влакым пага-
лен мошта, шке йўлаж верч пенты-
дын шогышо гына вес калыкыным
умыла.



**Татьяна ТОКТАРОВА (Шер-
нур посёлко):**

– Ешыште икте-весе кок-
лаште марла кутырена.
Йоча-влак рушла пелеш-
тат гын, почешыже
марла каласаш йодына.
Почеламутым туньк-
тена. Мутлан, йоча-
садыште У ий пайре-
мыште Элика гына
марий почеламутым
ойлен. Тыгак «Пўлек»
калык фольклор ан-
самблын репетицийышкыже



коштыктена, тушто марла
кушташ тунемьт. Ансамбль
дене пырля кугу пайрем-
лашке эре пеленна налы-
на. Элика уремлаште
марий тўрым эскераш
тўнгалын. Сўрет-
лаштыже марий
тўрым кучыл-
теи. Элика ма-
рий улмыжым
пала, умыла, а
Элави эше изи.
Нўнылан эре марий
тувырым ургыктем.

**Надежда МАМАЕВА
(Йошкар-Ола):**

– Ме олаште иле-
на. Йоча-влак дене
изи годсек марла
мутланена. Эр-
гым-влак «Вош-
тончыш» те-
атр студийыш
коштыт, марла
кушташ, мураш
тунемьт. Тўрлө конкурсышто
вийнам тергена, марла
почеламутым лудына.
Лаштыкым Х.АЛЕКСАНДРОВА
ямдылен. Фото-влакым еш
архивла гыч налме.



24 февраль - 2 март – Ўярня арня.

Конга

Порт покшелне – ош конга.
Суртоза гай рын шога,
Да оръен гай йытыра.
Ах, портнам сораствара!



Ўярня вашке толеш,
Вашлияш унам кўлеш.
Аваем конгаш олта,
Мелна пуш йырваш шарла.

Яна АФАНАСЬЕВА.
Кужэнер, Шўдымарий.

Изи озавате

Бананан изи мелна

Ўярнян тўн йўлаже – мелна-нам кўэштмаш. Тудыжым мыняр тўрлым ышташ лиеш, шотленат от пытаре. Айста ты гана банананым ямдылена.

Кўлыт: 2 банан, 2 муно, 120 г ложкаш, кок чывыштыш ванилин, ик чывыштыш шинчал, ик изи сов-

ла разрыхлитель, нўшмўй.

Бананым вилке але ўш дене туржаса. Тушко муным, сакырложашым, шинчалым, ванилиным пыштыза. Чыла сайын варыза. Разрыхлитель ден ложашым шарыза. Ямде руаш гыч изи мелнам кўэштса.



Энгекыш ит логал!



Йоча-влак, те корнышто коштмо правил-влакым сайын паледа да тудым шекланеда? Ме авам дене коктын йочасадышкына тыгай плакатым (снимкыште) сўретлен улына. Икшыве-шамыч корным вончымышт годым тўткў лийышт. Шарнышт: светфор – мемнан йолташна. Тўн правил-влакым шотыш налын, корнышто кошташ гын, энгекыш от логал.

Кирил ПРОХОРОВ.
Йошкар-Ола, 80-ше номеран «Ўжара» йочасад.
Фотом еш архив гыч налме.

Изам гаяк лиям

Мутшо В.Абукаевын

Семже С.Маковын

Куапен

Те па - ле - да мо, та - - - че мом
а - чи - ем ой - лен? Сал -
та - кын да мо - ря - - - кын Пай -
ре - мышт то - лыл - ден.

Те паледа мо, таче
Мом ачим ойлен?
Салтакын да морякын
Пайремышт толылден.

Салтак изам тора гыч
Эре колтен письмам.
Вот кушкын мый шуам да
Изам гаяк лиям.

Каныш кечын

Угыч шуо каныш кече.
Ме Петю дене пырля
Курык вуй гыч издер дене
Пикшла писын чымена.

А издерже пеш чоя,
Ўлыккла, ух, шке кая.
Курык вуйышко ок кўзў,
Кеч-мыняре тудлан кўштў.
Саша ВАСИЛЬЕВ.
Волжский, Пўтьял.

Калык пале

Ўярня арнян лум лумеш –
шурно сайын шочеш.

ШКЕТАН ТЕАТР
А.Яковлев, С.Тимошенко
КАВАСЕ АЛАША
НЕБЕСНЫЙ ТИХОХОД
Музыкальный комедий
ПРЕМЬЕР

12+
22, 23 февраль 16:00

РЕКЛАМЕ.



Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01404,
2023 ий 22 сентябрьыште пуымо.

Марий Эл Республикасысе «Марий Эл» увер агентстве» КАУ.
Директор – Е.И.КУЗНЕЦОВ.
Тўн редактор – А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикасысе Тўвыра, печать да калык-влакын пашашт шотышто министерстве, Марий Эл Республикасысе «Марий Эл» увер агентстве» КАУ.

Редакций да издатель: Марий Эл Республикасысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идалькыше урем, 20-шо порт.
Тел. 8(8362) 45-22-82.

Газетым редакцийыште погымо да верстатлыме, «Марий Эл Республикасысе Правительствын типографийже» ООО-што ямде оригинал-макет гыч савыктыме.
Типографийын адресше: 424000, Йошкар-Ола, Комсомольский урем, 112.
Печатьыш пуымо жап – 14-00, фактически – 13-00.

Авторын да редакцийын шонымашышт тўрлў лийын кертыт. Серыш-влак мўнггеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф



Шошым тауштат

Телым кайык-влаклан кочкышым муаш неле. Шукерте огыл ме, тўналтыш классыште тунемше-шамыч, школышко кормушкым ыштен кондышна. Урок деч вара пушенгыш сакалышна. Тушко тўрлў пырчым, шўрашым, нўшмым пыштышна. Тек ка-

йык-влак йывыртен кочкыт. А шошым нуно мыланна, тауштен, сылне мурым мураш тўналыт.

Дарина ИВАНОВА.

Марий Турек, Арбор.

Снимкыште: Марий Турек район Арбор школышто тўналтыш классыште тунемше-влак.

У конкурс



София ОКУНЕВА.
Кужэгер, Шорсола.

1 гыч 17 марте числа-влакым кучалтын, лабиринтым эртыза.


11	20	25	29	21	22	30	18	40		
23	26	46	27	28	6	5	7	41		
10	45	11	47	30	51	12	15	42	↓ 20	
45	5	6	50	1	63	69	8	20	17	25
9	16	11	7	10	11	20	9	0	16	36
14	40	62	2	0	21	7	23	10	15	40
42	10	13	41	9	10	11	12	13	14	59
9	6	43	4	8	10	12	11	15	67	61
4	5	3	6	7	46	48	49	66	1	45
2	3	4	5	6	2	4	0	1	9	8
1	68	7	20	61	7	10	1	7	12	7
↑	21	10	4	14	6	65	71	11	64	
	72	40	61	1	60	7	5	10	61	
	60	5	5	0	1	2	25	11	2	

Яна ЭБРАЕВА.
Волжский, Сотнур.


Пырыслан ўмыл дене келшыше гитарым муза.



Шола вельсе сўретым ончен, пура могырышто цифр-влакым ушыза да чиялыза.



Пиратлан клад марте миен шуаш полшыза.



Шотлыза.

